

convenientia inter causam atque effectum, inter plantam atque locum.

§. 51.

Exempla varietatum, quæ ob nimiam siccitatem existisse videntur, jam supra sunt maxima parte commemorata (§. 45.). Pauca tantum subjungere liceat. *Tillea aquatica* β. *prostrata*. *Callitriche verna* α. "foliis nunc omnibus subrotundis." Fries Nov. p. 280, etiam Lapponiæ sic obvenit. *Arbutus Uva ursi* var. foliis obovato-subrotundis in collibus siccissimis arenosis. *Agrostis rubra*, var. *pumila*. (Cfr. Wahlenb. in Sv. Bot. sub *Agrostide rubra*). *Festuca duriuscula* (L. Spec. Pl.); *Festuca rubra* var. *collina* e); *Plantago lanceolata montana*, (spicis globosis, scapo filiformi, foliis lineari-lanceolatis trinerviis, tota planta valde gracilis et

e) Cæspitosa, foliis omnibus convolutis, calycibus ovatis, obtusis si specimenibus a Cl. Fries ad me missis credendum, *Festuca duriuscula* ejusdem, *Festuce rubre* varietatem, in omnibus collibus arenosis vulgarem, in Lapponia saltem exhibere videtur. Ceterum formarum nullus finis est. Nam præter varietatem *collinam*, quæ ob glumas calycis mirandum in modum abbreviatis atque obtusas memoria digna videtur, etiam habemus *aliam*, foliis omnibus planis, quæ Bromi speciem habet; *aliam* glumis omnibus muticis; *aliam* glumis villosis-pubescentibus. Neque *Festuca ovina* melior, quæ multas formas in Lapponia offert.